



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

KAD KENAL DIRI MyInst BAGI BEKAS PENGHUNI INSTITUSI JKM DILANCARKAN HARI INI

BANGI, 1 OKTOBER – Jabatan Kebajikan Masyarakat (JKM) telah melancarkan kad kenal diri *MyInst* bagi bekas penghuni institusi kanak-kanak JKM pada hari ini. Pelancaran disempurnakan oleh YB Dato' Sri Rohani Abdul Karim, Menteri Pembangunan Wanita, Keluarga dan Masyarakat bersempena Bulan Kebajikan Negara 2017 di Pusat Latihan Perindustrian dan Pemulihan (PLPP), Bangi.

Terdahulu, kad kenal diri ini diumumkan cadangannya oleh Dato' Sri Rohani Abdul Karim, atas inisiatif Jabatan Kebajikan Masyarakat (JKM), Agensi di bawah KPWKM hasil sesi pertemuan bersama 26 bekas penghuni institusi kanak-kanak JKM pada 28 September 2017, Khamis lalu.

Dikenali sebagai *MyInst*, kad ini akan dibekalkan kepada semua penghuni institusi kanak-kanak yang berusia 18 tahun ke atas yang telah keluar daripada jagaan di institusi JKM. Menerusi *MyInst*, ia dapat memudahkan bekas penghuni untuk membawa dan menyimpan pengenalan diri ini bagi memudahkan urusan dengan pihak yang memerlukan pengesahan jabatan.

Menurut YB Dato' Sri Rohani Abdul Karim, "ini adalah satu daripada penambahbaikan segera bagi membantu anak-anak dibawah jagaan

JKM mempunyai dokumen pengenalan diri bekas penghuni institusi JKM. Jika sebelum ini, mereka hanya dibekalkan surat pembebasan keluar apabila telah keluar dari institusi dan ini menyukarkan mereka untuk membawa dan menyimpan surat tersebut”.

Pihak jabatan komited dan akan terus mempertingkatkan lagi fungsi kad ini dari masa ke semasa. Dalam majlis ini, seramai 5 bekas penghuni insititusi kanak-kanak JKM telah menerima kad contoh sebagai simbolik pelancaran **MyInst.**

Dikeluarkan oleh:

Unit Komunikasi Korporat

Kementerian Pembangunan Wanita, Keluarga dan Masyarakat